

說文解字義證

說文解字第十四 義證第四十七

曲阜桂馥學

𡵓 小自也象形凡自之屬皆從自 都回切

小自也者一切經音義六自高土也玉篇自小塊也或作堆漢書司馬相如傳激堆埼顏注堆高阜也長安圖高望堆在延興門南八里梁州記南郊城沂漢上五十里水邊有漢武堆漢武嘗游此以為釣臺後人觀其崇基謂之漢武堆又或作埤益州記青衣神號為雲埤班固以為離埤北齊藥方碑鬼織形如地蘭多生糞埤又或作埤魏志武帝紀依沙埤為屯通作追士冠禮毋追夏后氏之道也注云毋發聲也追猶堆也夏后氏質以其形名之文選七發踰岸出追李善云追亦堆字

𡵓 危高也從自中聲讀若臬 魚列切

危高也者本書陞危也玉篇
自高危也廣韻嶮𡵓高兒

官

吏事君也從小從官自猶眾也此與師同意

切九

吏事君也者本書臣下云事君也事下云職也馥謂百官百職事也楚語千品萬官釋詁案寮官也從一者與宰官同意王藻在官不俟履注云官謂朝廷治事處也自猶眾也此與師同意者本書師下云自眾意也

文三

阜

大陸山無石者象形凡官之屬皆從阜

房九切

大陸山無石者廣雅無石曰阜釋名土山曰阜阜厚也言高厚也地圖土山曰阜阜高厚也周語所以阜財用賈注阜厚也蒼頡篇阜山庫而大也釋地高平曰陸大陸曰阜大阜曰陵李巡曰高平謂土地豐正名為陸大陸謂土地高大名曰阜阜最高大為陵風俗通山澤篇春秋左氏傳魯公伯禽宅曲阜之地阜者茂也言平地隆踊不屬於阜陵也今曲阜在魯城中委曲長七八里雖北芒坂即為阜也詩天保如山如阜傳云大陸曰阜齊語陸阜陵埤埤注高平曰陸大陸曰阜大阜曰陵漢書鼂錯傳經川邱阜顏注大陸曰阜楚詞九歎阜隘狹而幽險兮王注大陸曰

阜馥謂陵
當為陸

古文

陵 大阜也從阜夔聲

力膺切

釋地東陵風南陵息慎西陵威夷中陵朱滕北陵西喻雁門
是也陵莫大於加陵 御覽引春秋說題辭陵之為言陵也
軸山成其廣層峻扶推益厥長也 潛夫論慎微篇凡山陵
之高非削而成崛起也必步增而稍上焉 通作夔宋書謝
靈運傳夔岡
上而喬竦

大阜也者釋名大阜曰陵陵隆也體高隆也詩吉日升彼
大阜天保如同如陵鄭注周禮大司徒云大阜曰陵僖三
十二年左傳殺有二陵焉襄二十五年傳辨京陵杜注並
云大阜曰陵昭十二年傳有內如陵杜注陵大阜也漢書
司馬相如傳阜陵別陽顏注大阜曰陵韓壽云積土高大
曰阜大阜曰陵樓觀本紀尹喜宅在南山阜上昔老君於
此登山時人號曰老子陵非墳墓也爾
雅曰大陸曰阜大阜曰陵此之謂也

縣

大旨也從旨縣聲

胡本切

所

地理也從旨力聲

盧則切

地理也者本書初木之理也水石之理也永象水至理之長至水脈也玉篇防地脈理易繫辭俯以察於地理正義云地有山川原隰各有條理故稱理也詩信南山我疆我理傳云理分地理也考工記匠人凡溝逆地防謂之不行注云防謂脈理不行謂洩溢也管子水地篇水者地之血氣和筋脈之流通者也魏策前脈地形之險阻洩利害之備論衡書解篇上天多文而后土多理尚書考靈曜通天文者明番地理者昌謝承後漢書汝南許陽曉水地脈春秋元命苞神農世怪義生白阜圖地形脈道注云怪義白阜之母名也白阜為神農圖地形通水道之脈使不擁塞也尚書荆德放禹長於地理得括地象圖史記棠恬傳恬罪固當矣起臨洮屬之遼東城遼萬餘里此其中不能無絕地脈哉此乃恬之罪也漢書溝洫志賈讓奏昔大禹治水山陵當路者毀之故鑿龍門辟伊闕析砥柱破碣石墮斷天地之性天文志中國山川東北流其維首在隴蜀尾沒于勃海碣石禹貢導山馬融以為三條導岍為北

條西傾為中條嶠冢為南條鄭康成以為四列導岍為陰
列西傾為次陰列嶠冢為次陽列岍山為正陽列蘇軾書
傳隨山者隨其地脈而究其終始何謂地脈地之有山猶
人之有脈也有近而不相連者有遠而相屬者雖江湖不
能絕也自秦蒙恬始言地脈而班固馬融王肅
治尙書皆有三條之說古之達者蓋已知此矣

陰 閭也水之南山之北也從自会聲

於今切

釋名陰蔭也氣在內與陰也 詩公劉相其陰陽 昭元
年左傳趙孟視蔭杜注蔭日景也釋文云蔭本亦作陰
閭也者廣雅同書高宗梁閭論語作諒陰魯世家作亮陰
水之南山之北也者徐鍇曰陰山北水南日所不及正
篇陰影也水南山北也書禹貢至于岳陽傳云山南曰陽
周禮梓氏疏引爾雅山南曰陽山北曰陰爾雅無此文春
秋僖二十八年天王狩于河陽杜注云晉地穀梁傳木北
為陽山南為陽溫河陽也范云日之所照曰陽成十六年
左傳楚子以汝陰之田求成於鄭杜注汝水之南桓十六
年公羊傳越在岱陰齊何云山北曰陰僖二十二年傳戰
於泓之陽何云水北曰陽南山經其陽多赤金其陰多白
金注云山南為陽山北為陰呂氏春秋行論篇夫舍諸侯

於漢陽注云水北曰陽三輔黃圖咸陽在九嶷山渭水北
山水俱在南故名咸陽詩渭陽釋文云水北曰陽在南
之陽傳云山南曰陽元和郡縣志咸陽縣下云山南曰陽
水北曰陽縣在北山之南渭水之北故曰咸陽又云漢濟
陰郡在濟水之南故以爲名寰宇記孟州河陰縣因在河
之南故立河陰縣焉容齋四筆山南爲陽水北爲陽穀梁
傳之語也若山北水南則爲陰故郡縣及地名多用之今
畧敘於此山之南者如嵩陽華陽恒陽衡陽鎮陽岳陽
陽夏陽城陽陽陵陽岐陽首陽營陽咸陽櫟陽宜陽山陽
陽都陽北陽廣陽辟陽河陽魯陽黎陽從陽零陽至陽東陽
陽都陽揭陽弋陽陽山陽上曲陽常陽青陽黔陽壽陽麻陽
雲陽美陽復陽靖陽顯陽曲陽陽下曲陽陽都陽扶陽
原陽陽城陽雲水之北者馮翊之池陽頻陽郃陽沈陽扶風
之杜陽河東之大陽太朔平陽之池陽頻陽郃陽沈陽扶風
河陽洛陽榮陽偃陽涇陽淮陽汶陽濟陽襄陽潁陽漁陽
遼陽泗陽伊陽永陽睢陽潮陽澧陽灌陽旣陽洮陽洮陽
東郡之濮陽東武陽潁川之潁陽昆陽舞陽汝南之汝陽
銅陽絀陽濯陽演陽新陽安陽博陽成陽南陽之育陽涅
陽堵陽蔡陽筑陽棘陽比陽朝陽湖陽紅陽江夏之西陽
廬江之尋陽九江之曲陽濟陰之句陽漢之鉅野沛郡之穀

陽扶陽漂陽魏郡之繁陽鉅鹿之堂陽清河之清陽涿郡之高陽饒陽范陽勃海之浮陽濟南之般陽朝陽泰山之東平陽東武陽寧陽北海之膠陽東海之閭陽曲陽都陽臨淮之射陽蘭陽丹陽之丹陽陵陽漂陽豫章之鄱陽鄒陽桂陽之耒陽桂陽潁陽武陵之無陽辰陽酉陽零陽零陵之洮陽漢中之旬陽沔陽武陵之無陽安陽健爲之江陽武陽漢陽金城之枝陽天水之略陽阿陽安定之涇陽彭陽北地之泥陽上郡之定陽鴈門之沃陽劇陽上谷之沮陽漁陽之要陽遼西之海陽右北平之夕陽聚陽蒼梧之封陽趙國之易陽膠東之觀陽長沙之益陽已上皆見漢書地理志其水之下必曰在某水之陽合山水之稱陽者百有五六十至陰字則甚少蓋面勢在背自難立國邑曰山之北者唯華陰山陰龜陰蒙陰鶉陰雕陰襄陰水之南者汾陰蕩陰潁陰汝陰舞陰濟陰漢陰晉陰蒲陰湘陰潞陰河陰湖陰江陰淮陰園陰僅三十而已

陽

高明也從官易聲

與章切

高明也者對陰言也陰間也釋名陽揚也氣在外發揚也又云明陽也又云邱高曰陽邱體高近陽也詩七月我朱

靈石楊氏栞

孔陽傳云陽明也又度其夕陽又梧桐生矣于彼朝陽文四年左傳天子當陽白虎通號篇高陽者陽猶明也道德高明也

高平地從官從壘壘亦聲

力竹切

高平地者地當為也釋者一曰高平一曰廣平釋名高平曰陸陸澆也水流澆而去也易漸卦鴻漸於陸馬云山上高平曰陸詩天保傳云高平曰陸漢書石奮傳閒者河水滔陸陸郭注大阜曰陵高平曰陸漢書石奮傳閒者河水滔陸顏注高平曰陸此皆主高平言之徐鍇韻譜陸廣平書禹貢正義引爾雅廣平曰陸定元年左傳田於大陸杜注引爾雅廣平曰陸史記司馬相如傳散渙夷陸索隱引司馬彪曰廣平曰陸此皆主廣平言之釋地廣平曰原高平曰陸禹貢既修太原傳云高平曰太原本書遼高平之野是原為高平也釋地又云晉有大陸郭注今鉅鹿北廣河澤是也禹貢大陸既作正義云但廣而平者則名大陸孔氏明言廣平是陸為廣平也本書遼訓高平則陸當為廣平今作高平者後人改之也漢縣有名陵者王莽皆改曰陸如湖陵曰湖陸遼陵曰遼陸江陵曰江陸陰陵曰陰陸植

陵曰楨陸猛陵曰猛陸以陸與陵異故易其舊名也陵高而不平陸廣平故異於陵也 奎亦聲者當為奎聲

籀文陸

本書未籀

文作焄

阿 大陵也一曰曲自也從自可聲 烏何切

史記黃帝紀而邑於涿鹿之阿正義云廣平曰阿鹽鐵論險固篇晉有河華九阿而奪於六卿樂資春秋傳阿旁宮未成之更欲擇令名名之作宮 阿旁故天下謂之阿旁宮

大陵也者釋地大陵曰阿詩菁菁者莪在彼中阿傳云大陵曰阿皇矣我陵我阿箋云大陵曰阿 一切經音義一韓詩曲京曰阿阿謂山曲隈處廣雅曲京曰阿詩考槃在阿傳云曲陵曰阿穆天子傳天子西征昇九阿覆案水經注謂之九曲云其地千里有九坂之曲詩繇蠻止于邱阿傳云邱阿曲阿也箋云止於邱之曲阿有卷者阿飄風自南傳云猶飄風之入曲阿箋云大陵曰阿有大陵卷然而曲漢書司馬相如傳順阿而下顏注曲陵

日阿地理志會稽郡有曲阿縣董覽吳地志曲阿秦時名雲陽太史云東南有天子氣在雲陽之間故鑿北岡令曲而阿因名曲阿

𡵓

阪也一曰沚也從𠂔皮聲

彼爲切

阪也者字林同漢書馮奉世傳前軍到降同阪顏注阪平阪也考工記輪已庫則於馬終古登陲也鄭注陲阪也馥案陲卽陀所謂陲陀一曰沚也者初學記引本書沚陲也今沚下無此文玉篇陲池也廣雅陲池也一切經音義十陲山東名爲灤亦名眈初學記引風俗通孫子有金城湯池之說後人因此開地爲池以養魚鼈秦誓惟宮室臺榭陲池侈服西都賦陲池交屬月令毋漉陲池注云畜水日陲穿地通水曰池史記灌夫傳陲池田園漢書貨殖傳水居千石魚波顏注波讀曰陲言有大陲養魚

𡵓

坡者曰阪一曰澤障一曰山脅也從𠂔反聲

府遠切

本書隴天水大阪也易說卦其於稼也爲反生虞本作阪云陵阪也文十六年左傳楚人謀徙於阪高穆天子傳

昇於長松之阪淮南齊俗訓陵阪耕田史記范雎傳石

隴蜀左關阪或作坂漢書文帝紀帝從湖陵欲西馳下峻

坂續漢書郡國志河東大陽有顓軫坂古今地名顓軫坂在

鹽池蜀志先主傳及於當陽之長坂帝王世紀犛都蒲坂晉

太康地記常山上曲陽縣有恆山坂號飛狐口壺關縣有羊

腸坂新序維事篇趙簡子上羊腸之坂羣臣皆偏袒推車水

經注云河水東逕旋門坂北今成皋西大坂者也戴延之西

征記黃坂夫終南六十里少華山西述征記黃卷坂者傍絕

謂以昇潼關長坂十餘里九坂皆遙遷長坂東京賦所

謂西阻九阿者也任豫益州記汶江水源出玉輪坂下

坡者曰阪者釋地文坡彼作阪郭注陝陀不平木書坡阪

也徐鍇本作阪也玉篇阪也詩車鄰阪有漆傳云阪者

曰阪鄭注樂記陝傾也史記司馬相如傳登阪陀之長阪

後漢書徐縣北界有蒲陽阪東觀漢記作蒲楊坡太平御

覽引之云坡與阪同西京記澹水西岸有坂舊名澹水坂

隋文帝惡坂之名改名長樂坡一日澤障者障當為埠

通行障字玉篇陝澤障也書禹貢九澤既陝傳云九州之

澤已陝障無波溢矣詩彼澤之陂傳云陂澤障也昭元年

左傳障大澤服注障陂障其水也周語澤水之鍾也又云

陂唐汚庫以鍾其美又云陂郭九澤淮南說林訓十頃之

連筠籟叢書

陂可以灌四十頃高注畜水曰陂史記鄭世家障大澤漢
 書溝洫志又內黃界有澤方數十里環之有隄翟方進傳
 汝南舊有鴻隙大陂郡以為饒成帝時關東數水陂溢為
 害論衡自然篇汲井汲陂灌溉園田風俗通山澤篇謹按
 傳曰陂者蓄也言因下鍾水以蓄利萬物也今陂皆以溉
 灌汝南富陂縣是也光武將征交趾下詔通障谿河南汝
 州廣成澤一名黃陂唐改荦隋煬帝於揚州雷塘即漢之
 雷陂壽春有芍陂穰縣有鉗盧陂以及山陰之鏡湖會稽
 之回踵嵯嶺二湖皆陂也禹貢荊州沱潛既道馬云沱湖
 也一日山脊者本書第山脊道也廣雅陜也昭十六
 年左傳齊師至於蒲隧注云取慮縣東有蒲如陂馥謂隧
 即山脊道釋名山旁曰陂言陂陲也李巡注爾雅云陂者
 謂高峯山陂汎勝之書諸山陵近邑高危傾阪及邱城上
 皆可為區田月令善相邱陵阪險原隰齊民要術邱陵阪
 險不生五穀者以樹竹木陳啟源曰詩正月箋以阪田為
 崎嶇境塙之處其山脊之謂乎馥案玉海引曹氏說以隴
 阪當說文

之山脊



阪隅也從自取聲

子侯切

阪隅也者玉篇作隅隅廣韻同案木書蜀隅隅高山之節廣雅隅隈也

隅

隅也從自禺聲

切

書益稷至于海隅蒼生

詩邶風侯我乎城隅

論語舉一隅不以三隅反皇氏曰隅角也

也曲禮握衣趨隅

植弓童子隅坐而執燭

隅也者李善注笙賦引作曲也廣雅隅隈也郭注山海經

隅猶隅也孟子虎負隅趙注以隅為隅宋襄有雀二隅於

城之隅高

注隅隅也

阻

阻難也從自畝聲

虛檢切

五音集韻引字林險山形似重甌易坎卦天險不可升也地險山川邱陵也王公設險以守其國險之時用大矣哉

阻難也者本書阻險也玉篇險難也阻也周禮司險掌九

州之圖以周知其山林川澤之阻而達其道路賈誼書道

術篇據當不傾謂

之平反平為險

阻

阻也一曰門楣也從自邑聲

乎簡切

阻也者秦策南有巫山黔中之限高注淮南云羊腸阪是大行孟門之限一曰門楣也者本書楣限也玉篇限闕也邑聲者易序卦艮者止也

阻

險也從自且聲

側呂切

險也者廣雅同爾雅釋詁阻難也郭注險難易繫辭傳夫乾德行恆易以知險夫坤德行恆簡以知阻詩雄雉自詒伊阻谷風既阻我德傳並云阻難也

隄

隄隄高也從自佳聲

都舉切

隄隄高也者本書崖高也五音集韻隄隄隄隄原阜高貌玉篇隄隄隄不平也通作佳莊子齊物論山林之畏佳

隄

隄隄也從自鬼聲

五臯切

隄

高也一曰石也從自允聲

余準切

高也者集韻陟
高也或作院

𡵓

𡵓也從自𡵓聲洛猥切

𡵓

𡵓也從自𡵓聲七笑切

陵也者一切經音義九通俗文陵阪曰峭山陵險陵亦謂之峭也廣雅峭高也陵通作峻李善注西征賦引淮南子峭法刻削許注峭峻也史記李斯傳峭壘之勢異也索隱云峭峻也高也是錯傳錯為人峭直刻深集解云韋昭曰衛岸高曰峭臣瓚曰峭峻釋邱夷上洒下不漏孫炎云平上峭下馥案詩新臺有洒傳云洒高峻也

𡵓

峭高也從自𡵓聲私閏切

峭高也者本書峻高也通作峻考工記匠人堂涂十有二分鄭注分其督旁之修以一分為峻也疏云名中央為脊假令兩旁上下尺二寸則取一寸於中央為峻

𡵓

仰也從自登聲都鄧切

仰也者當為印本書印望欲有所庶及也一切經音義四廣雅陞履下依之而上者也馥案因呼陞道穆天子傳天子南還升於三道之陞三蒼陞小阪也或作登西京賦塏道邁倚以正東

陞

陞陝也從自陞聲

切 盧侯

陞陝也者陞當為居本書居陞也廣雅陞陞也成九年左傳莒恃其陞而不修城郭荀子榮辱篇陞者俄且僞也馥案詩淇澳傳僞寬大也僞與陞反則陞為陞陝矣漢書荆法志秦人其生民也陞陞郊祀志行谿谷中陞陝且百里宋書武帝紀莫不忌其陞險九譯來庭

陞

陞也從自夾聲

切 侯夾

陞也者一切經音義十三引同又云陝迫陞不廣大也玉篇陝不廣也字或作陞司馬相如上林賦赴陞陞之口漢書景帝紀郡國或磽陞顏注陞謂偏隘也最錯傳為人隋直刻深顏注陞謂峻陞也趙充國傳遣騎候四望陞中區虜顏注山陞而夾水曰陞又或作峽荆州記三峽七百里中兩岸連山畧無關處重巖疊嶂隱天蔽日自非停午夜

分不見日月峽程記三峽者即明月峽仙山峽廣澤峽其
有瞿塘灩澦瀘子屏風之類皆不預三峽之數李膺益州
記明月峽峽前南岸壁高四十丈其壁有圓孔形如滿月
因為名龍西記襄武有錦鏡峽即黑水所經水經注巫山
首尾一百六十里謂之巫峽

陟 登也從自從步 竹力切

書舜典汝陟帝位 太甲若陟
遐必自邇 詩卷巨陟彼崔嵬

登也者夏小正傳云陟升也書舜典黜陟幽明傳云升進
其明者詩公劉陟則在巘箋云陟升車肆陟彼高岡箋云
陟登也昭七年左傳叔父陟恪杜注陟登也

陟 古文陟

陞 高下也一曰陞也從自從𠂔亦聲 戶猶切

高下也者一切經音義十三引同又云陞猶隊入也亦沒
也一曰陞也者一切經音義引作陞 𠂔亦聲者當為

說文解字義登 卷四十七 連筠移叢書

聲

隰

阪下溼也從自隰聲

似入切

阪下溼也者漢書司馬相如傳循阪下隰一切經音義四
隰溼也釋名下溼曰隰隰也也隰意也釋地下溼曰
隰李巡曰下溼謂土地窳下常沮洳名為隰也又坡者曰
阪下者曰隰李巡曰坡者謂高峯山阪下者謂下溼之地
隰溼也鄭注周禮大司徒云下溼曰隰書禹貢原隰厓積
傳云下溼曰隰史記夏本紀正義云隰低下地也詩簡兮
隰有苓皇皇者華于彼原隰車鄰隰有栗傳並云下溼曰
隰桓三年左傳逐麋侯於汾隰杜注汾隰汾水遶襄二十
五年傳牧隰皋杜注隰皋水崖下溼為芻牧之地周語猶
其有原隰衍沃也韋注下溼曰隰昭元年公羊傳上平曰
原下平曰隰管子形勢篇所謂平原者下澤也雖有小封
不得為高故曰平原之隰矣有於高尚書大傳下而平者
謂之隰隰之猶言溼也春秋說題辭下溼曰隰隰者溼也
下而澤也呂氏春秋孟春紀阪險原隰高注下溼曰隰吳
都賦原隰殊品五臣云下溼曰隰元和郡縣志隰州
爾雅曰下溼曰隰以州帶泉泊下溼故以隰為名

𨾏

𨾏也從自區聲

豈俱切

𨾏也者本書𨾏𨾏𨾏也漢書諸侯王表至
序既𨾏河洛之閒應劭曰𨾏者踣距也

𨾏

下隊也從自貴聲

杜回切

下隊也者李善注高唐賦引同一切經音義六引作墜下
也玉篇𨾏𨾏𨾏隊下也廣雅𨾏下也急就篇確磴扇𨾏春𨾏
揚顏注扇扇車也𨾏扇車之道也𨾏字或作隨隨之言隊
也言既扇之且令墜下也漢書蘇武傳士眾咸兮名已𨾏
司馬遷傳𨾏其家聲顏注𨾏墜也上林賦𨾏𨾏填壑長笛
賦鎡𨾏𨾏𨾏揚雄河東賦發祥𨾏𨾏注云𨾏降也解嘲𨾏
若氏𨾏字或作顏詩谷風維風及顏檀弓泰山其𨾏乎大
戴禮保傳篇越王不顏舊豕而吳人服釋天焚輪謂之顏
郭注暴風從上下史記河渠書水顏以絕商顏
集解璜曰下流曰顏寡婦賦歲云暮兮日西顏

𨾏

從高隊也從自家聲

徒對切

詩小宛如集于木傳云恐隊也
樂記故歌者上如抗下如隊
漢書王莽傳不居攝則恐周

說文解字義證

卷四十七

十

連筠簪叢書

隊失
大命

從高隊也者徐鍇本作從高墮也本書隊墜也檀弓退人
若將隊諸淵考工記輪人為蓋殷畝而馳不隊注云隊落
也信二十八左傳俾隊其師杜注隊墮也襄十年傳主
人縣布董父登之及堞而絕之隊則又縣之蘇而復上者
三墨子七患篇今有負其子而汲者隊其子於井中荀子
禮論篇暴慢恣睢輕俗以為高之屬人焉而隊注云隊古
墜字墮也漢書翟方進傳隊極厥命顏注隊墮也西域傳
畜隊未半阮谷盡靡碎人墮執不得相收視顏注隊亦墮
也字或作隧石經論語殘碑未隧於地楚辭九歌矢交隧
今荀子儒效篇至其頭而山隧注云隧謂山石崩摧也淮
南說林訓懸垂之類有時而隧高注隧墮也漢書王莽傳
不隧如髮紋傳厥宗亦隧又作墜釋詁墜落也釋文云木
又作隊孝經釋文隊本今作墜書仲虺之誥民墜塗炭金
縢無墜天之降寶命君夷乃其墜命漢書王莽傳引作乃
亡隊

隊

下也從阜各聲

古巷切

靈石楊氏聚

下也者釋言文廣雅同本書洛一曰下也書堯典釐降二
女于鴻臚史記作飭下金縢無墜天之降寶命鄭注降下
也士冠禮降西階一等注云降下也土相見禮大夫則辭
退下注云下亦降也孔子閒居引詩湯降不遲注云降下
也詩崧高維嶽降神出車我心則降公劉復降在原旱麓
福祿攸降殷武天命降監元鳥降而生商長發湯降不遲
箋拉云降下也閔子小子陟降庭止箋云陟降上下也釋
天降婁孫炎曰降下也莊三十年穀梁傳降猶下也夏小
正傳降者下也尙書中候
湯降三分注云降下也

𨔵 從高下也從自員聲易曰有隕自天 干敏切

書湯誥若將隕于深淵 詩小宛如臨于谷傳云恐隕也
桓五年左傳社稷無隕多矣哀十五年傳無虞然隕大夫之
尸又云大命隕墜又云
雖隕於深淵則天命也

從高下也者本書碩落也聲類隕墜釋詁隕落也又云墜
也詩絲亦不隕厥問小弁涕既隕之傳竝云隕隊也岷桑
之落矣其黃而隕傳云隕墜也文十八年左傳不隕其名
杜注隕隊也通作貢春秋莊七年星實如雨宣十五年左

傳有外無貫服注貫隊也史記鄭世家作隕

易曰有隕自天者遷卦文虞云隕落也

陞

危也從自從毀省徐巡以爲陞凶也賈侍中說陞法度也班固說不安也周書曰邦之既陞讀若虹蜺之

蜺

五結切

危也者廣雅同本書自危高也讀若臬通作桀文選長笛賦嶺根時之桀則今李善注云桀則危兒賈侍中說陞法度也者通作臬廣雅臬法也書康誥王曰外事汝陳時臬傳云汝當布陳是法多方爾罔不克臬傳云汝無不能用法班固說不安也者固有說文字之書曰太甲篇此卽其說也本書桀桀不安也周易困卦剝則荀爽陸績王肅本皆作桀輒云不安兒太元閣初一園方机祝注云机祝不安也周書邦之既陞者秦誓文傳云机陞不安言危也讀若虹蜺之蜺者本書無蜺字梁書王筠傳沈約製郊居賦要巧示其草筠讀至雌蜺連蜺約撫掌欣抃曰僕嘗恐人呼爲覓額案漢書天文志抱蜺蜺如淳曰蜺讀曰翳

師

小崩也從自也聲

文兩切

小崩也者一切經音義六小崩曰墮方言地壞也注云謂壞落也周語是故聚不墮崩暈注大曰崩小曰墮漢書莽元王傳山陵崩墮二顏注墮下顏也漢書儀壇牆墮壞後漢書李膺傳綱紀頽墮吳都賦崩蟄墮岑或作墮說苑說叢篇山以小墮而大崩後漢書蔡邕傳太極墮注引賈逵國語注小崩曰墮東海廟碑旋則墮崩又或作陀淮南繆稱訓岸峭者必陀高注陀落也

墮

敗城自曰墮從自奎聲

許規切

敗城自曰墮者本書墮讀若相推落之墮方言墮壞也隱六年公羊傳何言乎墮成敗其成也襄二十六年左傳入南里墮其城魯語墮會稽晉語必墮其壘培韋注拉云墮壞也秦策攻城墮邑齊策墮中牟之郭史記秦始皇本紀墮壞城郭又云墮名城甘羅傳破城墮邑不知其數漢書異姓諸侯王表墮城銷刃春秋定十二年叔孫州仇帥師墮郈杜注墮毀也患其險固故毀壞其城定七年左傳齊師墮伏而待之杜注墮毀其軍以誘敵昭二十二年傳伐

京毀其西南史記魯世家使仲由毀三桓城孟子不肯墮城孔子世家吳伐越墮會稽集解王肅曰墮毀也漢書韓安國傳伐國墮城顏注墮毀也所伐之國則毀其城也周語不墮山韋注墮毀也荀子議兵篇猶以錐刀墮太山也注云墮毀也漢書溝洫志賈讓奏昔大禹治水山陵當路者毀之墮斷天地之性或作墮管子霸形篇自此而北至於河者鄭自城之而楚不敢墮也家語相魯篇乃使季氏宰仲由墮三都孫子九地篇放其城可拔其國可墮呂氏春秋順說篇墮人之城郭賈誼過秦論墮名城靈光殿賦序自西京未央建章之殿皆見墮壞馥案毀他物亦曰墮僖三十三年左傳墮軍實而長寇讐杜注墮毀也漢舊儀祫祭墮廟神即毀廟之主老子或載或墮

墮篆文

本書隋從陞省此又從隋當有一誤

墮

仄也從自從頃頃亦聲

去營切

仄也者本書仄頃也字或作廐護敏碑屋棟廐覆樊敏碑能無撓廐頃亦聲者當為頃管

落也

從自多聲

徒果切

落也者字林同玉篇修小崩也通作墮方言墮脫也
多聲者李善注西京賦引本書修直氏反

閭也

從自亢聲

客庚切

閭也者漢書揚雄傳閭閻其寥廓今注云閭閻空虛也
莊子外物篇胞有重閭注云閭空曠也木書叙坑也更下
云秦謂坑為埂容下云歹殘地坑坎意也釋詁坑坑虛也
郭注坑坑謂坑塹也郊特牲水歸其壑注云壑猶坑也莊
子天運篇在谷滿谷在坑滿坑衛宏詔定古文官書序迺
密令冬種瓜於驪山坑谷中溫處史記貨殖傳馳坑谷後
漢書馬融傳注引蒼頡篇坑壑也
晉書皇甫謐傳穿坑訖舉牀就坑

通溝也

從自賈聲讀若瀆

徒谷切

通溝也者廣韻引作通溝以防水土徐鍇本同韓子外儲說
魯以五月起衆為長溝通作瀆鄭注用禮大司徒云注瀆
日川風俗通山澤篇江河淮濟為四瀆瀆者通也所以通
中國垢濁釋水江河淮濟為四瀆四瀆者發源注海者也

說文解字義證

卷四十七

三

連筠筴叢書

御覽七十五引爾雅舊注水流不絕曰瀆

讀若瀆者徐鍇本作讀若洞一本作洞

防

古文防從谷

釋邱竊讀汜郭注水無所通者

防隄也從阜方聲

符方切

隄也者廣雅同釋邱墳大防孫炎曰防謂隄也月令脩利
隄防周禮稻人以防止水注云防瀦旁隄也考工記匠人
凡溝必因水執防必因地執昭三十年左傳遂伐徐防山
以水之杜云防壅山水以灌徐襄二十五年傳町原防杜
注防隄也大戴禮禮祭篇君子之道譬猶防與夫禮之塞
亂之所從生也猶防之塞水之所從來也故以舊防為無
用而壞之者必有水敗以舊禮為無用而去之者必有亂
患晏子春秋景公登東門防曰夫何不下六尺哉晏子曰
蚤歲澍水至入廣門鄉者防下六尺則無齊矣孟子無曲
防秦策長城鉅防足以為塞呂氏春秋慎小篇巨防容螻
而漂邑殺人注云巨防大隄也如隄有孔穴容螻蛄則潰
漏竅洩至於漂沒閭邑溺殺人民也淮南修務訓禹修彭

蠡之防說林訓窟穴者託墀防便也齊俗訓狃狃得墀防弗夫而緣高注拉云防隄也或作坊郊特牲祭坊與水庸事也坊記君子之道譬則坊與經解以舊坊爲無用而壞之者必有水敗

防或從土

塘也從官是聲都兮切

塘也者策韻引作唐也周語陂唐汚庫以鍾其美韋注唐隄也宋庠云唐如字今俗本多加土於旁說文無塘字韻藻漢書地理志會稽有錢唐縣並作唐通行用塘字淮南說山訓壞塘以取龜埤蒼長沙謂隄爲塘魏志劉馥傳興治吳塘諸塘以概稻田又作塘廣雅塘隄也爾雅釋宮隄謂之梁李巡曰隄防也障也釋地八陵云梁莫大於梁郭注梁隄也定九年穀梁傳得之隄下史記封禪書問者河溢皋陸隄縣不息或作堤襄二十六年左傳棄諸堤下釋文堤亦作隄

基也從自止聲諸市切

基也者釋名水出其前曰趾邱趾基趾也史記封禪書石
間者在太山下趾南方漢書疏廣傳頗立產業基趾藉田
賦結崇基之靈趾思玄賦卽岐趾而
臚情通作趾宣十一年左傳略基趾

趾或從土

經

山絕坎也從阜至聲

戶經切

山絕坎也者釋山山絕陁郭注連山中斷絕僖四年左傳
傳次于陁史記楚世家以兵侵楚至陁山楚策北有汾陁
之塞襄十六年左傳速遂塞海陁而還杜注海陁魯隘道
秦策陁山之役高云趙井陁塞也徐廣注史記陁者山絕
之名常山有井陁中山有苦陁元和郡縣志懷州河內縣
太行陁在縣西北三十里連山中斷曰陁述征記曰太行
山首始於河內自河內北至幽州凡有八陁第一曰軹關
陁今屬濟源縣第二太行陁第三白陁此兩陁今在河內
第四滏口陁對鄴西第五井陁第六飛狐陁一名望都關
第七蒲陰陁此三陁在中山第八軍都陁在幽州太行陁
潤三步長四十里顧炎武曰今井陁之陁古書有作鉏者
穆天子傳至於鉏山之下是也有作研者漢書地理志上

黨郡有石旰關是也有作旰者晉書石勒載記使石季龍擊託侯部獨咄哪于旰北大破之是也有作旰者晉書胡奮傳頓軍旰北是也有作旰者揚子法言山旰之旰是也有作旰者季尤函谷關賦於北則有蕭居天井壺口石旰貫越代朝以臨北庭是也

附

附婁小土山也從自付聲春秋傳曰附婁無松柏又符切

附

附婁小土山也者或作培塿易林蹇之訟土瘠瘦薄培塿无柏崔鴻前趙錄劉淵曰當為崇岡峻阜何能為培塿乎晉語必墮其墨培春秋傳曰附婁無松柏者婁二十四年左傳文彼作部婁杜注部婁小阜晏子若部婁之未登風俗通山澤篇謹按春秋左氏傳部婁無松柏言其卑小部者阜之類也今齊魯之閒田中少高印名之為部矣

秦謂陵阪曰阨從自氏聲

丁禮切

秦謂陵阪曰阨者廣韻引字統同御覽引作陵阜漢地理志隴西郡應劭曰有隴阨在其西也後漢書寇恂傳復助

說文解字義證

卷四十七

左

連筠移叢書

三

靈石楊氏琴

爵拒隄既高唐賦臨大既之稿水字或作坻昭十二年左傳有酒如淮有肉如坻上林賦下磧歷之坻五臣注坻坂也後漢書隗囂傳使王元據隄坻注云坻坂也華陽國志元道縣有坻阜又通作底後漢書光武紀馮異與赤眉戰於峭底注云底阪也

石

石山戴土也從自從兀兀亦聲

五忽切

石山戴土也者本書岨石戴土也詩卷巨陟彼崔嵬陟彼岨矣傳云崔嵬土山之戴石者石山戴土曰岨釋名石戴土曰岨土戴石曰崔嵬惟爾雅獨異釋山云石戴土謂之崔嵬土戴石為岨或作岨廣韻岨岨山兒也元結詩山屹岨今水淪漣蜀都賦踞五岨之蹇澹劉逵注五岨山名也一山有五重兀亦聲者當為兀聲

崖

崖也從自兼聲讀若儼

魚檢切

崖也者李善注西京賦引作厓也五臣注厓隙邊限也廣雅隙厓也薛綜注西京賦金堤謂以石為遺隙魏都賦築會宮以迴市比岡隙而無陂釋山重厓隙孫炎曰山基有重岸也詩葛藟在河之湄傳云湄水隙也伐檀冥之河之

潛兮傳云潛厓也兼設傳云潛水隙也
正義云隙是山岸潛是水岸故云水隙

𨾏 塞也從官厓聲切

木書貌塞也引春秋傳墊厓 戰國策太子醉於齊王而歸

齊王隘之注云隘讀作厓 漢書地理志右扶風汧縣下云

詩芮厓雍州川也顏注厓讀與鞠同大雅公劉之詩曰芮鞠

之即韓詩作芮厓 周禮鄉師以歲時巡國及野而闕萬民

之難厓 孟子厓窮而不憚

漢書元帝紀百姓仍遭凶厓 塞也者戰國策塞阻隘史記漢興以來諸侯年表乘其

脫塞地利或作扼後漢書杜篤傳城池百尺扼塞要害

𨾏 障也從官隔聲切

障也者李善注西京賦引作塞也木書塞隔也史記秦始

皇本紀昭隔內外通作隔大宛傳隔漢道焉漢書薛宣傳

西州隔絕韋元成傳起致

堙酒泉張掖以隔姑羌

𨾏 隔也從官章聲切

隔也者廣雅同通俗文藩隔曰障祭法鰌鄩洪水而殛从
 定十二年左傳且成孟氏之保障也蒼頡篇障小城也北
 征賦登鄩隧而遙望今史記秦始皇本紀築亭障以逐戎
 人漢書張湯傳居一障閒注云謂塞上要險之處別築為
 城而為鄩蔽李陵傳陵以九月發上出遮虜障顏注障者塞
 上險要之處往往修築別置候望之人所以自障蔽而伺
 也蔽也

隱

蔽也從旨急聲

於謹切

蔽也者月令無有掩蔽廣雅隱弱也通鑑魏使太子居正
 殿時隱而窺之注云自隱蔽其身而窺之也襄二十三年
 左傳踰隱而待之杜注隱短牆也史記秦始皇本紀隱宮
 徒刑者七十餘萬人注云宮刑一百日隱於陰室養之故
 曰隱
 宮

隈

水隈崖也從旨奧聲

烏到切

水隈崖也者本書澳隈崖也其內曰澳其外曰隈釋邱隈
 隈厓內為隈外為隈詩公劉芮鞫之即箋云水之內曰隈

水之外曰鞠通作奧詩
瞻彼淇與傳云奧隈也

由

水曲隈也從自畏聲

烏恢切

釋邱外為隈釋文隈作鞠云如字字林作坵云隈厓外也詩
公劉芮鞠之即箋云水之內曰隈水之外曰鞠鄭注職方引
詩作芮隈漢書地理志芮隈雍州川也顏云韓詩作芮隈隈
與鞠同馥案玉篇坵居六切涯也水外為坵隈古岸也廣韻
坵與隈同云曲岸水外曰隈馥謂
隈鞠聲不近蓋隈以形誤為隈也
水曲隈也者李善注七發引作水曲也西都賦商洛緣其
隈五臣注隈水曲列子黃帝篇因復指河曲之淫隈注云
隈水曲也廣韻引字林隈隈隈也淮南原道訓昔舜釣於
河濱暮年而漁者爭處湍瀨以曲隈深潭相予閔二年左
傳號公敗大戎於渭汭
杜注水之隈曲曰汭

卑

脊商小塊也從官從卑

去衍切

解

水衡官谷也從官解聲一曰小谿

胡買切

水衡官谷也者玉篇隔一作解本書解下云一說解即解

谷也通作解漢書律歷志黃帝使冷綸取竹之解谷孟康

曰一說昆侖之北谷名也字或作解馬融廣成頌窮浚谷

底幽解一曰小谿者通鑑綱目黃帝使伶倫取竹於解

溪之谷張衡西京賦擿謬解

天水大坂也從自龍聲 力腫切

天水大坂也者寰宇記引同漢書地理志天水郡應劭曰

天水有大坂名曰隴阪又隴西郡應劭曰有隴坻在其西

也顏注隴坻謂隴阪即今之隴山也武帝本紀遂踰隴應

劭曰隴隴坻坂也郭仲產秦州記隴山東西百八十里登

山嶺東望秦川四五百里極目泯然山東人行役升此而

顧瞻者莫不悲思故歌曰隴頭流水分離四下念我行役

飄然曠野登高遠望涕零雙落三秦記隴坂九迴不知高

幾許欲上者七日乃得越絕高處可容百餘家下處容十

萬戶山頂有泉清水四注東望秦川如四五百里人上隴

者想還故鄉悲思而歌云隴頭流水鳴磬幽咽遙望秦

川肝腸斷絕書禹貢梁州西傾因桓是來鄭注桓是隴阪

名其道盤桓旋曲而上故名曰桓是今其下民謂是阪曲

為銘也張衡四愁詩我所思兮在漢陽欲往從之隴阪長
案漢明帝改天水郡為漢陽郡續漢書郡國志漢陽郡隴
州有大阪名隴坻是也西京賦右有隴坻之隘五臣注隴
坻坂名賈字記秦州隴城縣大隴山亦曰隴首山又清水
縣小隴山
經邑界

𡵓

酒泉天隴阪也從自衣聲

於希切

酒泉天隴阪也者漢書地理志酒泉郡
天隴縣顏注此地有天隴阪故以名

𡵓

弘農陝也古號國王季之子所封也從自夾聲

失冉切

漢書杜鄴傳分職於陝顏注陝即今陝州縣也括地志陝
原在陝州陝縣西南二十五里分陝從原為界集古錄陝
州石柱相傳以為周召
分陝所立以別地理

弘農陝也者隱五年公羊傳自陝而東者周公主之自陝
而西者召公主之注云陝者蓋今弘農陝縣是也古號
國王季之子所封也者顏注急就篇號叔周王季之子也
受封於號其地今陝州陝縣是也漢書地理志弘農郡陝

說文解字義證

卷四十七

大

連筠蓀叢書

縣故號國北號在大陽東號在榮陽西號在雍州續漢書郡國志弘農郡陝本號仲國注云杜預曰號都上陽在縣東有號城隱元年左傳鄭人以王師號師伐衛南鄙杜注號西號國也弘農陝縣東南有號城十道志陝州陝郡禹貢豫州之域周為二伯分陝之地即古號國也戰國時屬韓秦併天下屬三川郡



弘農陝東陬也從官𠂔聲

武扶切


弘農陝東陬也者廣韻陬地名在弘農玉篇陬陝東縣



河東安邑陬也從官𠂔聲

居遠切

河東安邑陬也者玉篇陬河東安邑縣廣韻陬河東安邑縣名集韻陬縣名在河東或作陬高士傳宋勝之家於穀城陬中陬中化之



上黨陬氏阪也從官奇聲

於商切

止黨陬氏阪也者漢書地理志上黨郡有陬氏縣或作猗漢術敬侯碑城惟解梁地即郊首山對靈足谷當猗口文

七年左傳敗秦師於令狐至於刳首關
駟曰令狐卽猗氏刳首在西三十里

論

北陵西隃鴈門是也從自俞聲

傷遇切

北陵西隃鴈門是也者釋地文郭注卽鴈門山也玉篇隃
隃鴈門山也海內西經鴈門山鴈出其門在高柳北郭注
鴈門山卽北陵鴈之所出因以名云山今在代州西北三
十里寰宇記代州鴈門縣句注山一名西陁山在縣北三
十里水經注云鴈門郡北對句注山東陁其南九塞之一也
晉咸寧元年句注碑曰蓋北方之險有盧龍飛狐句注爲
之首天下之阻所以分別內外也漢高祖欲伐匈奴不從
婁敬之說械繫於廣武遂踰句注困於平城謂此也通作
俞史記趙世家反至分先俞於趙集解爾雅曰西俞鴈門
是也正義云
西先聲相近

師

代郡五阮關也從自元聲

虞遠切

代郡五阮關也者漢書成帝紀流民欲入五阮關者勿苛
留後漢書烏桓傳遣伏波將軍將三千騎出五阮關掩擊

韻文解字義證卷四十七

亢

通古音聲書
盛石楊氏聚

之注云關在代郡通作原地理志代郡有五原關韻案五
原郡廣韻作五阮郡元聲者徐鍇本下有讀若昆三字

陸

大阜也一曰右扶風鄠有陸自從自告聲

苦沃切

陸

邱名從自武聲

方遇切

邱名者通作梧釋名當途曰梧邱梧忤也與
人相當忤也釋邱當途梧邱釋文梧五故反

陸

邱名從自貞聲

陟盈切

邱

邱名從自丁聲讀若丁

當經切

邱名者通作定
釋邱左澤定邱

鄆

鄆地阪從自為聲春秋傳曰將會鄆伯於鄆

許為切

鄆地坂者廣韻鄆阪名在鄆春秋傳曰將會鄆伯於鄆
者彼作鄆襄七年經公會晉侯宋公陳侯衛侯曹伯莒子
邾子于鄆傳云楚子囊圍陳會於鄆以救之杜注鄆
鄆地案公羊穀梁竝作鄆穀梁釋文云本又作鄆

說文

如渚者階邱水中高者也從自者聲

當古切

如渚者階邱者釋邱文彼作如階郭注水中小洲為階篇海引本書作如階釋名如階者階邱形似水中之高地隆高而廣也又云小洲曰渚渚遮也體高能遮水使從旁回也越語肅雎之與同階注云水邊亦曰階漢書司馬相如傳且齊東階鉅海蘇林曰小洲曰階顏注東有大海之階揚雄反離騷鳳皇翔於蓬階注云蓬萊之階在海中

說文

宛邱舜後嬀滿之所封從自從木申聲

直珍切

宛邱者釋邱陳有宛邱郭注今在陳郡陳縣水經注宛邱在陳城南道東王隱云漸欲平今不知所在矣舜後嬀滿之所封者詩譜陳者太皞處戲氏之墟帝舜之冑有虞闕父者為周武王陶正武王賴其利器用與其神明之後封其子嬀滿於陳都於宛邱之側是曰陳胡公以備三恪妻以元女大姬其封城在禹貢豫州之東其地廣平無名山大澤西望外方東不及明猶隱八年左傳天子建德因生以賜姓胙之土而命之氏注云因其所由生以賜姓謂若舜由嬀汭故陳為嬀姓報之以土而命氏曰陳正義云陳世家云陳胡公滿者虞帝舜之後也昔舜為庶人時居

說文解字義證

卷四十七

辛

連筠蓀叢書

於媯汭其後因爲氏姓媯氏武王克殷得媯滿封之於
陳是舜由媯汭故陳爲媯姓也案世本帝舜姚姓哀元年
傳稱虞思妻少康以二姚是自舜以下猶姓姚也昭八年
傳曰及胡公不淫故周賜之姓是胡公始姓媯耳史記以
爲胡公之前已姓媯非也莊二十二年傳有媯之後將育
於姜注云媯陳姓昭八年傳陳顓頊之族也杜注陳祖舜
舜出顓頊傳又云及胡公不淫故周賜之姓使祀虞帝杜
云胡公滿遂之後也事周武王賜姓曰媯封諸陳紹舜後
昭三年傳姜族弱矣而媯將始昌注云媯陳也傳又云箕
伯直柄虞遂伯戲其相胡公大姬已往齊矣杜注四人皆
舜後陳氏之先胡公四人之後周始封陳之祖大姬其妃
也襄二十五年傳鄭子產獻捷於晉晉人問陳之罪對曰
昔虞閼父爲周陶正以服事我先王我先王庸以元女大
姬配胡公而封諸陳以備三恪杜注閼父舜之後鄭語陳
蔡隨唐韋注陳媯姓也魯語故分陳以肅慎氏之貢韋注
陳媯姓也家語辨物篇以分大姬配胡公而封諸陳注云
胡公舜之後樂記武王克殷未及下車封帝舜之後於陳
漢書人表陳胡公滿舜後元后傳舜起媯汭以媯爲姓至
周武王封舜後媯滿於陳是爲胡公帝王世紀必義爲天
子都陳在禹貢豫州之域於周爲陳胡公所封故春秋傳

曰陳太昊之墟也於漢屬淮陽今陳國是也古文苑陳君碑始祖有虞受禪陶唐亦以命禹其後嫡滿當周武王時祚土於陳陳度碑武王克商封先代之後以元女大姬配胡公封諸陳申啓者當爲印省聲

古文陳

本書虹籀文從印作

印

再成邱也在沛陰從自甸聲夏書曰東至于陶邱陶

邱有堯城堯嘗所居故堯號陶唐氏

徒刀切

水經濟水注引墨子以爲釜邱竹書紀年魏襄王十九年薛侯來會王于釜邱者也

再成邱也者李善注應貞詩顏師古注高帝紀竝引作邱再成也釋邱再成爲陶邱元和郡縣志云成猶重也書禹

貢傳云陶邱邱再成在沛陰者郭注爾雅云今濟陰定陶城中有陶邱漢書地理志濟陰郡定陶縣下云禹貢陶

邱在西南陶邱亭胡渭曰漢志云在縣西南而郭璞言在城中蓋其時郡徙西南包陶邱而爲城曰魏書地形志濟

連筠移叢書

陰郡定陶縣在定陶山下因爲名括地志陶山在濟州平
陰縣東三十五里史記越世家止于陶集解云今之濟陰
定陶戰國策秦封君以陶注云今定陶縣元和志曹州濟
陰縣本漢定陶縣之地也屬濟陰郡州理中城蓋古之陶
邱也夏書曰東至于陶邱者禹貢文彼云東出于陶邱
北李善顏師古引本書亦無北字竝無于字丘古文作聖
或以聖之一字誤爲丘北二字與鄭注導水云言過言會
者皆是水名言至于者或山或澤皆非水名據此則鄭本
亦作至于禹貢下文云又東至于荷是先至于陶邱又至
于荷也陶邱有堯城堯嘗所居故堯號陶唐氏者李善
顏師古竝引作堯嘗居之玉篇陶邱有堯城以堯居之故
號陶唐氏元和志定陶故城堯所居也堯先居唐後居陶
故曰陶唐氏竹書紀年帝堯八十九年作游宮於陶九十
年帝游居於陶一百年帝陟於陶詩譜曹者禹貢兗州陶
邱之北地名今日濟陰定陶是也昔堯嘗遊成陽外而葬
焉漢濟陰太守孟郁修堯廟碑帝堯萌兆生長葬陵在於
成陽漢書地理志濟陰成陽有堯冢靈臺後漢書章帝紀
元和二年二月東巡狩使使者祠唐堯於成陽靈臺皇覽
堯冢在濟陰成陽帝王世紀堯葬濟陰成陽西北四十里
是爲穀林水經注城陽西二里有堯陵書五子之歌惟彼

陶唐傳云陶唐帝堯氏襄二十四年左傳范宣子曰昔勾
之祖自虞以上為陶唐氏昭二十九年傳有陶唐氏注云
陶唐堯
所治也

墾土 耕以耒浚出下墟土也一曰耕休田也從官從土召

聲之少切

耕以耒浚出下墟土也者杜注左傳浚取也本書墟黑剛
土也汜勝之書春地氣通可耕堅硬強地黑墟土釋名鋪
插也插地起土也或曰銷銷削也能
有所穿削也馥案銷即本書劇字

壁危也從官占聲 余廉切

壁危也者廣雅貼危也離騷貼余身而危外兮王注云貼
猶危也漢書文帝紀或貼於外以如淳曰貼近邊欲墮之
意食貨志安有為天下貼危若是而上不驚者臣瓚曰臨
危曰貼顏注貼危欲墜之意也後漢書張衡傳貼身以微
幸注云貼危也傳又云貼焦原而跟止注云尸子曰吾國
有石焦原者廣尋長五十步臨百仞之谿甚國莫敢近也

說文解字義證 卷四十七 圭 連筠移叢書

有以勇見苦于者獨却行劑踵焉魏志和洽傳昏世之主
不可親近久而帖危宋書後廢帝紀七廟帖危南郡王義
宣傳家國帖危永明十一年策秀才文故能出人於帖危
之域謝朓和王著作八公山詩帖危賴宗表陳書高祖紀
番部帖危勢將淪殄通鑑李克用上表朝廷當帖危之時
則譽臣為韓彭伊呂注云臨危曰帖危字或作帖後漢書
馬援傳飛鳶帖危墮水中白帖引杜詩作帖 占聲者王
觀國曰唐書釋晉饒州老儒董衡所進蕭復傳曰今帖於
危帖音鹽臨危之義也衡誤音都念切又注云下也
此討論之失也韻案裴注魏志引漢書注帖音鹽

除

殷陛也從自余聲

直魚切

殷陛也者御覽引作殿階也李善注懷舊賦曹植贈丁儀
詩謝惠連詠牛女詩引竝作階注月賦又引作陛玉篇除
殿階也漢書王莽傳自前殿南下椒除顏注除殿陛之道
也摯虞淺疑要注凡大殿乃有陛堂則有階無陛也右
左平平者以文埶相亞次職者為陛級也
九錫之禮納陛以登謂受此陛以上殿

陛

陛也從自皆聲

古詣切

書大禹謨舞千羽于兩階論語及階

史記堯舜土階三等古詩阿閣三重階

陛也者玉篇階登堂道也尚書大傳

主階也

從自匕誓

昨誤切

主階也者書顧命由阼階阼正義云阼階者東階也謂之阼者鄭元冠禮注云阼猶酢也東階所以答酢賓客是其義也郊特牲通子冠於阼注云東序少北近主位也漢書匡衡傳適子冠乎阼顏注阼主階也顧炎武曰大戴禮武王踐阼禮記曲禮踐阼祭祀正義曰踐履也阼主人階也天子祭祀升阼階履主階行事故云踐阼也文王世子篇成王幼不能蒞阼周公踐阼而治注踐履也代成王履阼階史記漢文帝紀辛亥皇帝即阼正義曰主人階也古時殿前兩階無中閒道故以阼階為天子之位王莽傳引逸書嘉禾篇云周公奉鬯立於阼階隋書載北齊邢子才議曰君位在阼階故有武王踐阼篇啖氏春秋傳曰凡天子崩諸侯薨既殯而嗣子為君康王之誥是也未就阼階之位來年正月朔日乃就位南面而改元

春秋所書是也公即位者即阼階之位也

經

升高階也從自望聲

切 旁禮

升高階也者玉篇陞天子階也釋名陞卑也有高卑也天子殿謂之納陞言所以納人言之階陞也北堂書鈔引梅陶云堂高曰陞獨斷陞階也所由升堂也天子陳兵於陞故呼陞下用卑達尊之意也三輔黃圖陞所由升堂也天子必有近臣執兵階陞以戒不虞臣下與天子言不敢指斥天子故呼在殿陞下以告之故稱陞下燕策秦舞陽奉地圖匣以次進至陞下漢書王莽傳朱戶納陞顏注尊者不欲露而升陞故納之於窗下也漢書音義如淳曰刻殿基以爲陞以有兩旁上下安也孟康曰謂鑿殿基際爲陞不使露也

師

階次也從自亥聲

切 古哀

階次也者廣韻陞殿階次序史記封禪書壇三垓集解云徐廣曰陞階次也漢書郊祀志祠壇放帝忌奉一壇三陞注云陞重也三陞三重壇也通作垓御覽引廣雅九天之外曰九垓注云垓階也言階次九也史記武帝紀索隱引鄒氏曰垓一作陞言壇階三重漢書司馬相如傳上暢九垓服虔曰垓重也

隙

壁會也從自祭聲

子例切

壁會也者壁隙也廣雅壁會也潛夫論浮侈篇削除鑿靡不見際會參同契固塞其際會琴賦或乘險投會邀隙趨危又云鏤會哀廟李善云謂鏤鏤其縫會也

隙

壁際孔也從自從兪亦聲

絳職切

壁際孔也者一切經音義十四引同字鑑引作壁際空也李善注沈約詠月詩引作壁際也又注江淹詩引作壁縫也本書場壁隙隙也集韻闕塹壁隙也玉篇隙壁際也廣雅隙裂也昭元年左傳人之有牆以蔽惡也牆之隙壤誰之咎也孟子鑽穴隙相窺商子修權篇隙大而牆之隙壤誰子謀篇故牆壤於有隙韓非子徵篇牆之壤也必通隙淮南說林訓隙大則牆壤說山訓受光於隙照一隅受光於隙照北壁受光於戶照室中無遺物唐嵩陽觀碑室其憲戶隙光漢書地理志北隙身九夫餘如淳云或曰隙際也禮三年問若駒之過隙燕策將軍過縣以與寡人有隙一切經音義十四引國語上下無隙賈注隙壁也漢書張釋之傳雖錮南山猶有隙史記作郊鮑照詩素景緣隙隙

九之屏之是壁 卷四 一 二 三 車馬多義書

即深 京亦聲
者當為京聲

重土也一曰滿也從自音聲

薄回切

重土也者禮內則重醴注云重陪也昭五年左傳殖有陪
鼎定四年傳分之土田陪敦注云陪增也或通作培呂氏
春秋孟秋紀圉牆垣高注圉猶培也又通作陪徐鉉本有一曰
游而後乃今指風釋文指重也本或作陪徐鉉本有一曰
陪臣陪備也七字錯曰諸侯之臣於天子曰陪臣馥案曲
禮列國之大夫入天子之國曰某士自稱曰陪臣某僖十
二年左傳陪臣敢辭服注陪重
也諸侯之臣於天子故曰陪臣

道邊庫垣也從自象聲

徒玩切

道邊庫垣也者本書圉
卑垣也廣雅隊垣也

築牆聲也從自與聲詩云抹之隕隕

如乘切

築牆聲也者詩釋文引本書同
抹之隕隕者大雅縣文傳云隕隕也

城上女牆俛倪也從自卑聲

符支切

小爾雅廣器墉牆謂之俛倪成六年左傳衛人登俛晉語

又公誅觀狀以伐鄭反其卑聿注俛城上女垣通鑑王先

成策龍尾道屬於女牆注云

女牆即城上短垣所謂俛也

城上女牆俛倪也者本書倪俛也俛益也復謂城上益加

小牆故曰俛倪俛倪者為俛猶令丁為鈴終葵為椎也一切

經音義二俛倪俛倪者為俛城上小垣也左傳釋文堞一名俛

亦謂之俛倪集韻俛倪城上垣廣雅俛倪女牆開箭眼以窺望

現城上女牆亦作俛倪又作俛倪蓋女牆開箭眼以窺望

城下因以為名釋名城上垣曰俛倪言於其孔中俛倪非

常也亦曰俛倪俛倪者為俛城上垣也宣十二年左傳守俛者

小比之於城若女子之於丈夫也宣十二年左傳守俛者

皆哭杜云俛城上俛倪正義云俛城上小牆俛倪者看視

之名襄六年晏弱圍萊瑗之環城傳於堞注云堞女牆也

又二十五年吳子門於巢巢牛臣隱於短牆以射之二十

七年盧蒲癸攻崔氏崔氏堞其宮而守之注云堞短垣也

堞俛倪短牆短垣女牆皆一物也

隍

循文陣從南

隍

城池也有水曰池無水曰隍從自皇聲易曰城復于

隍乎光切

城池也有水曰池無水曰隍者東京賦郭阻城注云池
城下池也皆屈曲邪行依城池為道故說文曰隍城池也
有水曰池無水曰隍矣一切經音義八三營城下坑無水
曰隍古今注隍者城池之無水者也釋詁隍虛也郭注隍
城池無水者釋言隍壑也郭云城池空者為壑舍人云隍
城池也壑溝也李巡云隍城池壑也積案鄭注周易隍壑
也列子周穆王篇遽而藏諸隍中注云隍無水池也楚詞
七諫悲太山之為隍兮王注隍城下池也袁字記賀州蕪
城池隍中頗出珠玉寶器通作隍文選七發黃池紆曲李
善云黃當為隍隍城池也易曰城復于隍者泰卦文釋
文隍城壑也子夏傳隍是城下池也
虞注城下溝無水稱隍有水稱池

隍

依山谷為牛馬圈也從自去聲

去魚切

依山谷為牛馬圈也者漢書司馬相如傳江河為陸蘇林
曰陸獵者同陳遮禽獸也郭璞曰因山谷遮禽獸為陸揚
雄傳以固為周陸李奇曰陸遮禽獸困陳也吳都賦陸以
九疑五臣云陸圍也因山谷以遮禽獸也通鑑高歡對爾
朱榮曰間公
有馬十二谷

陞

危也從自坐聲是為切

陞

小障也一日庫城也從自鳥聲

安古切

小障也者李善注長笛賦引同後漢書樊準傳修理塲壁
皇甫規傳覆沒營塲注引本書並同通俗文營居曰郭史
記秦始皇本紀築亭障以逐戎人漢書地理志致煌郡效
穀顏注本魚澤障也張湯傳居一障閒顏注郭謂塞上要
險之處別築為城因置吏士而為郭蔽以扞寇也閻鄒曰
武帝使伏波將軍路博德築遮膚障於居延城又云延壽
縣有玉石障漢遮膚障也李衛公問對擇吏使守堡障此
足以經久魏緣氏縣有袁術固一名袁術塲文選長笛賦
序獨臥鄒平陽郭中李善云郭聚邑之名也御覽引丹陽
記石頭城吳時悉土陽義熙始加塲累石頭字或作塲漢

說文解字義登

卷四十七

三

連筠移叢書

馬賢為征西將軍作塲壁三百所後漢書安帝紀元初元年遣兵屯河內衝要皆作塲壁獻帝紀移帝幸北塲馬援傳援起塲候注云字或作陽梁書謝覽傳於錦沙立塲拒戰戴延之西征記蠡城川南有金門塲後漢書董卓傳又築塲於緡高厚七丈號曰萬歲陽元和郡縣志鄒縣下云董卓塲在縣東北十六里卓封鄒侯築塲高與長安埒號為萬歲塲蜀志張嶷傳嶷以郡郭宇頽壞更築小塲寔宇記濡須塲在歷陽縣西南吳聞曹公將來因築此塲吳錄云初欲夾水立塲諸軍皆曰上岸擊賊跣足入舟何用塲為呂蒙曰兵有利鈍戰無百勝如有遯退步騎蹙人不暇及水豈得入船乎權曰善遂築塲一曰庫城也者李善引同後漢書獻帝紀注引通俗文亦同一切經音義十一引字林陽小城也

院

堅也從自完聲王着切

本書一部

有院字

堅也者院堅聲相近通作完考工記輪人輪敝三材不失職謂之完注云敝盡而輟輻身不動復案詩傳彼韓城燕

師所完隱元年左傳大叔完聚襄三十一年傳繕完葛牆又云是以令吏人完客所館孟子使舜完廩莊子天地篇不以物挫志之謂完皆堅固意本書完下云古文以為寬字完既為寬則院為堅完之本字矣

論

山官陷也從官侖聲

盧昆切

山官陷也者通作淪玉篇淪亦作淪案書微子今殷其淪喪

詭

水官也從官辰聲

會倫切

水官也者徐鍇曰若潺岸也本書潺水厓也詩王風在河之漚傳云漚水隙也正義隙是山岸漚是水岸故云水隙

錢

水官也從官菱聲

慈衍切

文九十二 重九

𩚑

兩官之間也從二官凡𩚑之屬皆從𩚑

似醉切

小字本李壽本徐鍇韻譜廣韻俱作房九切徐鍇繫傳符九反玉篇扶救切集韻類篇扶匡切惟周伯琦六書正譌吳元

滿六書正義與本書音同周氏云開從岡自岡山之閒曰谷
岡自之閒曰閭後人掘墜通道以葬有類乎閭故又名墓道
爲閭也別作隧非吳氏云閭隧音遂岡自之閒上有負土若
今延道曰隧魯國語具舟除隧左傳隱廿五年隧而相見又墓
道也王者掘地通道以葬曰隧左傳僖廿五年晉文公請隧
正義從自冒合意馥證之檀弓注春秋傳曰杞殖
莊公襲莒於奪杞梁外勇鄭注春秋傳曰杞殖
華還載甲夜入且于之隧隧奪替近或爲兌
兩自之閒也者集韻隧墓道也古作隧案爾雅經典通
用隧字聲類隧延道也周禮豕人及竈以度爲邱隧注云
隧羨道也九章算術今有羨除下廣六尺上廣一丈深三
尺末廣八尺無深袤七尺注云羨除寬隧道也其所穿地
上平下袤似兩鼈蹠夾一壟堵即羨除之形詩桑柔大風
有隧傳云隧道也曲禮出入不當門隧注云隧道也隱元
年左傳若闕地及泉隧而相見杜注隧若今延道僖二十
五年傳晉侯朝王請隧杜注闕地通路曰隧韋昭注國語
曰隧六隧也賈誼書審微篇古者周禮天子葬用隧諸侯
縣下晉文公葬南陽即外得以隧下襄十八年傳連大車
以塞隧而殿襄二十三年傳夜入且于之隧杜注且于隧
狹路襄二十五年傳當陳隧者井埋木刊杜注隧徑也昭

元年傳私盟於閭門之外實薰隧杜注閭門鄴城門薰隧
門外道名昭十七年傳盈其隧炭杜注隧出入道定四年
傳還塞大隧杜注漢東之隘道哀十三年傳越子伐吳爲
二隧杜注隧道也魯語具舟除隧韋注隧道也家語致思
篇彼有寶季羔曰君子不隧注云隧從賈出軍法司空治
軍隧道韓詩外傳孔子南游適楚至於阿谷之隧漢書西
域傳欲起亭隧顏注隧謂深開小道而行避敵鈔寇也匈奴
傳起亭隧顏注隧謂深開小道而行避敵鈔寇也說苑尊
賢篇晉文侯行地登隧大夫皆扶之又權謀篇武王伐紂
過隧斬岸過水析舟至於有戎之隧大風折旆黃圖槐市
列槐樹數百行爲隧無牆屋魏志高句麗國東有大穴名
隧穴陳琳爲袁紹檄豫州欲以螭蜺之斧禦隆車之隧蜀
都賦列隧百重羅肆巨千五臣注隧市中道西都賦貨別
隧分五臣注隧市人道西京賦旗亭五重俯察百隧五臣
注隧市道也字或作隧會稽記大司馬滕公冢下路猶謂
之隧侯埏通作遂周禮遂人夫閒有遂古微書春秋演孔
圖使閒階立遂注云
遂當作隧隧道也

隧

自寔也從關波省聲

於波切

靈石楊氏

自窰也者本書窰穿也徐鍇韻譜窰穿也通作陵阜窰也古作𡵓 波省聲者徐鍇本作𡵓聲玉篇廣韻從吏作𡵓音所翼 陳吏二切並誤

𡵓

𡵓也從𡵓𡵓聲𡵓籀文𡵓字

烏解切

𡵓也者本書陝𡵓也廣雅𡵓𡵓也詩大雅誕置之𡵓巷禮器君子以為𡵓矣注云𡵓猶狹𡵓也信二十二年左傳古之為軍也不以阻𡵓也昭三年傳湫𡵓𡵓塵杜云𡵓小戰國策塞𡵓𡵓離騷路幽昧以險𡵓孫子地形篇𡵓形者我先居之注云兩山之間通谷也元和郡縣志靈邱縣𡵓門山亦曰𡵓口在縣東南十五里壁立直上層崖刺天有古道極險𡵓 𡵓籀文𡵓字者徐鍇本無此文本書𡵓籀文作𡵓漢書百官表𡵓作𡵓庚應劭曰𡵓伯益也顏注𡵓古益字也馥謂本書𡵓之籀文有𡵓筆今作𡵓實益字非𡵓也春秋元命包益州益之為言𡵓也言其所托之地險𡵓也

𡵓

籀文𡵓從𡵓益

籀文𤇀從自益者徐鉉本無益字籀文當作篆文從𤇀者
本籀文小篆仍而不改者也從自者乃小篆變𤇀從自二
文並

從益

塞上亭守燹火者從𤇀從火遂馨

徐醉切

塞上亭守燹火者史記秦始皇本紀築亭障以逐戎人
字或作烽燧漢書賈誼傳斥候望烽燧不得臥文穎曰邊
方備寇作高土橦橦上作桔皋桔皋頭兜零以薪草置其
中常低之有寇即火燃舉之以相告曰烽又多積薪寇至
即燃之以望其煙曰燧司馬相如傳夫邊郡之士聞燹舉
燧燔皆搆弓而馳荷兵而走孟康曰燹如覆米箕縣著契
皋頭有寇則舉燹燹有難則焚燹主畫燹主夜字又作燹燹漢
燹見敵則舉燹燹有難則焚燹主畫燹主夜字又作燹燹漢
書韓安國傳置燹燹

篆文省

篆文省

文四

重二

△△ 綦坡土為牆壁象形凡△之屬皆從△

力軌切

綦坡土為牆壁者玉篇△累壁為牆壁也

△△ 增也從△從糸綦十黍之重也

力軌切

增也者漢書景十三王傳臣聞悲者不可為綦歛顏注綦重也司馬相如傳綦臺增成顏注綦古累字賈誼書退讓篇壤陞三綦或作累傳十八年穀梁傳善累而後進之范注累積秦策有累世之怨高注累重也從△從糸者徐鍇本作△亦聲案本書之例從本部得聲者則曰亦聲徐鉉削去三字坐不審耳 綦十黍之重也者漢書律歷志權輕重者不失黍綦應劭曰十黍為綦十餘為銖夢溪筆談唐書開元錢重二銖四參今蜀郡亦以十參為一銖參乃古綦字恐相傳之誤耳

△△ 土 綦壘也從△從土

力軌切

綦壘也者廣韻集韻引作△壘也又廣韻△壘也出字林急就篇壘壘府廩庫東箱顏注壘壘累壘而為障蔽也王

注壘當作全後漢書周紆傳常築壘以自給或作甌
集韻甌甌甌也從公從土者當有公亦聲三字

文三



陰數也象四分之形凡四之屬皆從四

息利切

陰數也者倍二為四倍四為八皆耦數易繫辭天三地四
乾鑿度孔子曰陽三陰四位之正也陸倕新刻漏銘測於
地四參以天一象四分之形者口象四方鄭注乾鑿度
云方者徑一而布四也說苑發於一成於二備於三周於
四八象其分本書八下云象分別相背之
形又六下云易之數陰變於六正於八



古文四



籀文四

聘禮注引朝貢禮純四只趙商問只長八寸四八三十二幅
廣三尺五寸太廣非其度鄭答古積畫誤為四當為三三
則二尺四寸矣又觀禮四享皆束帛加璧注云四當為三古
書作三四或皆積畫此篇又多四字字相似由此誤也疏引
說文解字義登
卷四十七
連筠篠叢書

書咨三岳外薄三海皆積畫昭十二年老傳是四國者專足
畏也劉炫云古四字積畫四當為三酸案史記舜踐帝位三
十九年三亦當為三

文一 重二



辨積物也象形凡寧之屬皆從寧

直呂切

辨積物也者辨當為辨辨治也本書貯積也錢君大昕曰
史記貨殖列傳積著之理務完物著即古貯字說文寧訓
辨積物是積寧本字



幅也所以載盛米從寧從田田缶也

陟呂切

篆當作寧 通作貯新序刺奢篇鄒穆公有令倉鳧鴈必以
糶無得以粟于是倉無糶而求易於民二石粟而得一石糶
吏以為費請以粟食之穆公曰爾知小計不知大會周諺曰
囊漏貯中而獨不聞歟夫君者民之父母取倉之粟移之於
民此非吾之粟乎粟之在倉與在民於我何擇積案穆公之
意蓋謂倉粟移於民猶囊粟漏於貯宋書范泰傳故囊漏貯

中識者不吝魏畧太祖調丁斐曰譬如人有盜狗而善捕鼠盜雖有小損而完我囊財
帛也者本書幘載米舒也廣雅幘舒也所以載盛米者
玉篇廣韻所引並無載字從出出也者本書東楚名
缶曰由龍龍手鑑舒下引本書盛米具
也從宁者徐鍇本有宁亦省三字

文二

𦃟

綴聯也象形凡綴之屬皆從綴陟劣切

綴聯也者廣雅作連檀弓殷主綴重焉注云綴猶聯也

𦃟

合箸也從綴從糸陟衛切

合箸也者本書箴下云綴衣箴也鍇下云可以綴箸物者
茵下云以艸補鉞或以爲綴廣韻綴連補也內則初歲請
補綴書立政綴衣正義云衣服必連綴箸之詩民發爲下
國綴旒箋云綴猶結也如旌旗之旒縵著焉從綴從糸
者徐鍇本作從
糸從綴發發亦聲

文二



醜也象人局背之形賈侍中說以為次第也凡亞之

屬皆從亞 衣駕切

醜也者亞經典通作惡書洪範六極五曰惡傳云醜陋也
鄭注容毀故致惡也五行傳云兒不恭之罰也襄二十六年
左傳生佐惡而婉太子痤美而很杜注佐貌惡而心順
座貌美而心很戾昭二十八年傳昔叔向適鄭驪蔑惡欲
觀叔向從使之收器者而往立於堂下一言而善叔向問
之曰必醜明也下執其手以上曰昔賈大夫惡娶妻而美
三年不言不笑御以如皋射雉獲之其妻始笑而言今子
少不醜子若無言吾幾失子矣杜注惡貌醜哀二十七年
傳知伯曰惡而無勇杜注惡貌醜也言其醜且無勇髮子
春秋內篇公曰嘻亦老且惡矣尸子禹長頸鳥喙面貌亦
惡矣莊子德充符衛有惡人焉曰哀駘它釋文云哀駘醜
貌它其名也趙策鬼侯有子而好故入之於紂紂以為惡
史記詹臺滅明狀貌甚惡漢書五行志形貌醜惡列女傳
齊孤逐女狀甚醜潛夫論潛歎篇何貌惡之若此而覆謂

之好也史記盧縮孫他之封惡谷侯漢書作亞谷楚卻宛
字子惡世本邱昭伯名惡戰國策秦有魏醜夫昔人得古
印文曰周惡夫識者謂是周亞夫几不善皆曰醜詩亦孔
之醜傳云醜惡也泮水則此羣醜箋云醜惡也遵大路無
我諷兮箋云醜亦惡也正義云醜與醜古今字文十八年
左傳醜類惡物杜云醜亦惡也成九年傳渠邱城惡莒城
亦惡魏策求其好掩人之美而揚人之醜者而參驗之趙
策寡人以王子為子任欲子之厚愛之無所見醜鮑注醜
惡事也象人局背之形者五經文字惡從亞亞象曲脊
醜惡之形賈侍中說以為次弟也者釋言亞次也釋名
亞者亞也次也又云兩婿相謂曰亞言一人取姊一人取
妹相亞次也易繫辭言天下之至賁而不可惡也釋文云
荀作亞亞次也書牧誓亞旅傳云亞次也特性饋會禮亞
獻尸士喪禮兩肩亞兩肱亞注云亞次也公會大夫禮腊
陽胃亞之注云亞次也文六年左傳為亞卿馬杜注亞次
也襄十九年傳圭嬀之班亞朱子杜注亞次也尚書大傳
王升舟入水鼓鐘惡觀臺惡將舟
惡宗廟惡注云惡讀為亞亞次也

亞

關衣駕切

文二



五行也從二陰陽在天地間交午也凡五之屬皆從

五切 疑古

五行也者釋名五行者五氣也於其方各施行也昭三十
二年左傳天有三辰地有五行風俗通皇霸篇五行者品
物之宗也道以三興德以五成漢書藝文志五行者五常
之形氣也五行志引洪範初一日五行顏注謂之行者言
順天行氣洪範正義云五行即五行也謂之行者若在天
五氣流行在地世所行用也說苑易曰一陰一陽之謂道
道也者物之動莫不由道也是故發於一而成於二備於三
周於四行於五是故元象著明莫大於日月察變之動莫
著於五星天之五星運氣於五行其初猶發於陰陽而化
極萬一千五百二十新唐書五行志萬物盈於天地之間
而其為物最大且多者有五一日水二曰火三曰木四曰
金五曰土其用於人也非此五物不能以為生而闕其一
不可是以聖王重焉夫所謂五物者其見象於天也為五
星分位於地也為五方行於四時也為五德稟於人也為

五常播於音律爲五聲發於文章爲五色而總其精神之
川謂之五行昭九年左傳妃以五成注云五行各相妃合
得五而成洪範一五行一曰水二曰火三曰木四曰金五
曰土禮運播五行於四時注云一曰水二曰火三曰木四
曰金五曰土漢書律歷志天以一生水地以二生火天以
三生木地以四生金天以五生上鄒注中庸木神則仁金
神則義義火神則禮水神則信土神則知淮南天文訓子生
母曰義母生子曰保子母相得曰專母勝子曰制子勝母
曰困從二者徐鍇曰二天地也白虎通五行篇五行者
何謂也謂金木水火土也言行者欲言爲天行氣之義也
地之承天猶妻之事夫臣之事君也謂其位卑卑者親事
故自周於一行尊於天也陰陽在天地閒交午也者禮
運夫禮必本於太一分而爲天地轉而爲陰陽潛夫論古
有陰陽然後有五行徐鍇曰交午更用事也本書午悟也
五月陰氣午逆陽冒地而出玉篇午交也史記律書陰陽
交故曰午大射儀若丹若墨度尺而午注云一縱一橫曰
午謂畫物也特牲饋食記心舌皆去本末午制之注云午
割從橫割之內則男角女羈注云午達曰羈也正義云今
女翦髮畱其頂上縱橫各一相交交通達故曰午達范注穀
梁云羈貫謂交午翦髮以爲飾史記項羽本紀楚義起之

將集解如淳曰：竄，義飛起交橫若午索隱：凡物交橫為午。鄭元云：一縱一橫為午。服虔曰：堯作諱，誦木於橋梁交午。柱頭崔豹古今注：今之華表以橫木交柱頭，形似桔槔。西京謂之交午也。漢書霍光傳：使者劾午如淳曰：劾，午分布也。顏注：一縱一橫為劾。午猶言交橫也。王觀國曰：古篆五字為入象，陰陽交入之義。而午字亦取交互之義。史言：劬午者，四方人達皆通亦交午之義也。通鑑：裴伯得風疾中使候問，劬午於道。注云：一縱一橫為劬午。

古文五省

子華子五居中宮數之所由生，一從一橫數之。所由成本書悟古文作彳，蓋五古文又作彳。

文一重一



易之數陰變於六，正於八，從八，凡六之屬皆從

六

力竹切

易之數陰變於六，正於八者，易乾鑿度：陰得位以六，八六者，四六四八也。又云：陽變七之九，陰變八之六。鄭注：陽

動而進變七之九象其氣息也陰靜而退變八之六象其
氣消也易乾卦正義云張氏以爲陽數有七有九陰數有
八有六但七爲少陽八爲少陰質而不變爲爻之本體九
爲老陽六爲老陰文而從變故爲爻之別名王禕洛書辨
四爲太陰之位六爲太陰之數故四與六對二爲少陰之
位八爲少陰之數故二與八對劉禹錫稱董生之說曰揲
著者九與六爲老老爲變爻七與八爲少少爲定位歐陽
修曰乾爻七九九變而七無爲易道占其變曰用九釋所
以不用七坤爻八六六變而八無爲日用六釋所以不用
八王觀國曰一三五爲九九者老陽之能變者也二四爲
六六者老陰之能變者也乾純陽故乾言用九坤純陰故
坤言用六老陽生少陽七是已老陰生少陰八是已九六
七八乃揲著之變而爲卦者也龍入十一鱗九九之數也
鯉三十六鱗六六之數也龍在天而能變者故得九九之
數鯉在地而能變者故得六六之數大抵得九六之數者
皆有變之理蓋天地自然之道也夢溪筆談象數一易象
九爲老陽七爲少八爲少陰六爲老舊說陽以道爲老陰
以退爲老九六者乾坤之畫陽得兼陰陰不得兼陽此皆
以意配之不然也九七八六之數陽順陰逆之理皆有所
從來得之自然非意之所配也凡歸餘之數有多有少多

爲陰如爻之偶少爲陽如爻之奇三少乾也故曰老陽九
操而得之故其數九其策三十有六兩多一少則一少爲
之主震坎艮也故皆謂之少陽眇眇眇中皆七操而
得之故其數七其策二十有八三多坤也故曰老陰六操
而得之故其數六其策二十有四兩少一多則多爲之主
與離兌也故皆謂之少陰眇眇眇中皆八操而得之
故其數八其策三十有二物盈則變眇眇眇盈爲老故
老動而少靜吉凶悔吝生乎動者也卦爻之辭皆九六者
惟動則有占不動則無朕雖易亦不能言之國語謂正屯
悔豫皆入遇泰之入是也從入者鄭注乾鑿度四者西
方之數西方
日所入也

文一

陽之正也從一微陰從中裏出也凡七之屬皆從七

親吉切

篆文七與十相似惟直畫屈中書者易誤故沈存中謂史
記律書所言律之長短凡七皆當作十誤屈其中畫耳

陽之正也者陰數變於六正於八陽數變於九正於七也
易乾鑿度一變而為七鄭注七主南方陽氣壯盛之始也
王禕洛書辨三為少陽之位七為少陽之數故三與七對
從一微陰從中裏出也者本書兩下云陰氣初起陽氣
將虧午下云五月陰氣午逆陽冒地而出申下云七月陰
氣成體覆謂陽立於七故七為陽正陰生於陽故陰從陽
出七與
屯同意

文一

九陽之變也象其屈曲究盡之形凡九之屬皆從九有

切

陽之變也者周易乾卦初九正義云老陽數九老陰數六老
陰老陽皆變周易以變者為占所以老陽數九老陰數六
者以揲著之數九遇揲則得老陽六遇揲則得老陰象
其屈曲究盡之形者九究聲相近廣雖九究也白虎通禮
樂篇九之為言究也子華子數登於九而究矣列子天瑞
篇一變而為七七變而為九九變者究也易乾鑿度九者

氣變之究也漢書律歷志九者所以究極中和為萬物元也

九達道也似龜背故謂之焞焞高也從九從首

渠追切

王篇有古文作焞 魏志武帝紀遼東殷焞注云焞古達字見三蒼 王粲從軍詩士女滿莊焞 顏延年皇太子釋奠詩野焞 風馳

九達道也考釋名九達曰達齊魯謂道多為達師此形然也釋宮九達謂之達郭注四道交出復有旁通詩施于中達韓作焞薛君章句云中焞焞中九交之道也宣十二年左傳至於達路閼十一年傳及大達弗及注云達道方九軌也劉炫規杜以達為九道交出淮南說林訓楊子見達路而哭之為其可以南可以北高注道九達曰達三輔淺錄長安城面三門四面十二門皆通達九達以相經緯思元賦神達昧其難覆今舊注九交道曰達成公綏柳賦臨九達之通衢魏志賈達字梁道晉中興書戴達字安道似龜背故謂之焞者宣十二年左傳釋文引同龜焞替相近初學記達一日焞言似龜背故曰焞見說文 焞高也者徐鍇本在達下

送土 焮或從走從土

徐鍇本焮高也故從走奎鍇曰奎高土也韻索本書表下云亢高也

文二 重一

𡳿

獸足蹂地也象形九聲尔足曰狐狸獾貉醜其足踴

其迹瓜凡瓜之屬皆從瓜 人九切

獸足蹂地也者爾雅釋文引同本書下云象耳頭足瓜地之形古文踴下從瓜撫下云一日蹂也一切經音義九蹂古文作瓜通俗文踴蹂其十二三李善引字林蹂踐也廣雅蹂履也西都賦蹂躪其十二三李善引字林蹂踐也爾足曰狐狸獾貉醜其足踴其迹瓜郭注肉指頭處韻索釋獸闕洩多猶猶醜其足踴其迹瓜郭注肉指頭處韻索釋獸闕洩多狃郭注腳饒指又案周禮大司徒注引尔雅作貂孤貉貉疏云鄭君所讀爾雅者為貂不為狸也

𡳿

篆文從足柔聲

篆文者此為篆文則為是古文爾雅釋文隸古文為夙因

形篆文隸變為諸聲爾 從足柔聲者古文夙象

走獸總名從夙象形今聲禽與豕頭相似 巨今切

走獸總名者本書臭下云禽走臭而知其迹者犬也為下

云母猴也其為禽好爪禮曲禮猩猩能言不離禽獸走獸

即禽獸易師卦田有禽比卦王用三驅失前禽又屯卦即

鹿无虞以從禽也李鼎祚曰案白虎通禽者何鳥獸之總

名即比卦九五爻辭王用三驅失前禽是其義也詩車攻

傳云不成禽不獻禽雖多擇取三十焉周禮大司馬小禽

私之詩七月傳引作小獸私之獸人及樊田令禽注于虞

中宣十二年左傳攝叔奉麋獻焉日以歲之非時獻禽之

未至政膳諸從者趙策虎將即禽禽不知虎之即已也而

相闕兩罷而歸其於虎周書皇門解譬若畋犬驕用逐

禽其猶不克有獲史記甘茂傳禽困覆車集解譬禽獸得

困急猶能抵觸傾覆人車漢書蒯通傳野禽殫走大亨華

陽國志巴志加以水陸艱難山有猛禽思迫期會隕身江

河投外虎口水東日記於越志云吳正道東陽人明六書

許慎說文有不足者補之臨川吳文正公澄問禽獸二字
曰禽即獸也曰兩翼為禽四足為獸何以為說即曰禮不
云乎猩猩能言不離禽獸鸚鵡能言不離飛鳥澄大敬之
馥案禽獸二字對文則分字林兩足曰禽四足曰獸釋鳥
二足而羽謂之禽四足而毛謂之獸匡謬正俗云曰是總
別飛走大名是也鳥獸亦通稱為禽本書鳥下云長尾禽
總名也白虎通禽者何鳥獸之總名周禮庖人掌共六畜
六獸六禽注云六禽於禽獸及六摯宜為羔豚犢麋雉鴈
凡鳥獸未孕曰禽司馬職曰大獸公之小禽私之三國志
華陀傳陀語吳昔曰吾有五禽之戲一曰虎二曰鹿三曰
熊四曰猿五曰鳥此亦非走竝謂之禽善乎問百詩之言
曰國語里革曰登川禽韋昭注川禽龍蜃之屬按鼈介蟲
也是亦可謂之禽猶考工記天下之大獸五有鱗者鱗水
蟲也亦可謂之獸乃知禽獸所包甚廣不必二足而羽四
足而毛者而後謂之也從夆象形今譬者徐鍇本作頭
象形從夆今譬鍇曰夆頭象也禽獨穿頭相似者本書
穿下云與禽獨頭同

出夆

山神獸也從禽頭從夆從中歐陽喬說禽猛獸也

呂

切

凶當
為凶

山神獸也者通作螭李善注文選引作山神獸形宣三年
 左傳螭魅罔兩服注螭山神獸形後漢書寶憲傳螭虎之士注
 以禦螭魅賈注螭山神獸形後漢書寶憲傳螭虎之士注
 云螭山神獸形也廣雅山神獸謂之螭或作螭通俗文山
 澤怪謂之魑魍漢書王莽傳投諸四裔以禦魑魅顏注魑
 山神也從禽頭者魏志和洽傳子禽嗣住音離禽本作
 禽寫誤從中者徐鍇本作中聲中非聲當如萬禹象形
 歐陽喬說禹猛獸也賈注左傳螭或曰如虎而啖虎吳
 都賦神螭掩五臣注神螭猛獸也與引虎螭其師李善云
 如虎如螭也通作離史記周本紀如豺如離徐廣曰離音
 義訓與
 螭同



蟲也從夊象形

無販切

蟲也者廣韻引字林萬蟲名也莊子天運篇其知潛于蜃
 蜃之尾釋文云或云依字上當作蜃下當作蜃蜃關開評

萬者蠟也通俗文長尾為蠟短尾為蠟

𧈧 蟲也從瓜象形 王矩切

蟲也者廣韻引字林禹蟲名也玉篇變禹蟲也本書變知聲蟲也增韻禹蟲一名變洪武正韻變禹蟲知聲者

𧈧 古文禹

漢書藝文志大命三十七篇傳言禹所作顏注命古禹字

𧈧 周成王時州靡國獻鸛人身反踵自笑笑即上脣掩

其目食人北方謂之土螻爾正云鸛鸛如人被髮一

名梟羊從瓜象形 符未切

周成王時云云者徐鍇曰反踵脚跟在前也字或作獬獬雅圖讀獬獬怪獸被髮操竹見人則笑脣蔽其目終亦號吽反為我獬西京賦獬獬獬獬薛注獬獸身人面身有毛被髮迅走食人西陽雜俎獬獬飲其血可以見鬼力負千斤

笑輒上吻掩額舊說反踵獵者言無膝睡常倚物字又作
蕭本草拾遺鬬鬬亦作蕭出西南夷如猴宋孝建中獠子
以西波尸地高城郡安西縣主簿韋文禮進雌雄二頭朱
帝曰吾聞鬬鬬能負千鈞若既有力如此何能致之彼土
人丁鑿進曰鬬鬬見人喜笑則上屑掩其目人以釘釘箸
額任其奔馳候歟而取之髮極長可爲頭髮血堪染鞋其
毛一似獼猴人面紅赤色作人言鳥聲善知生歟飲其血
使人見鬼帝聞而欣然命工圖之或又作鬬郭注山海經
云周書曰州靡鬬鬬者人身反踵自笑笑則上屑掩其面
爾雅云鬬鬬大傳曰周書成王時州靡國獻之海內經謂
之鬬巨人今交州南康郡深山中皆有此物也長丈許脚
跟反向健走被髮好笑雌者能作汁酒中人卽病土俗呼
爲山都元稹詩鬬鬬穿筒格注云南人俗法嘗用竹筒穿
臂以受之鬬鬬執臂輒笑笑則屑蔽兩目人因自筒中出
手以劍釘之於樹爾正云鬬鬬如人被髮者釋獸文彼
作獬豸如人被髮迅走食人郭注泉羊也山海經曰其狀
如人面長屑黑身有毛反踵見人則笑交廣及南康郡山
中亦有此物大者長丈許俗呼之曰山都釋文引本書作
鬬鬬有讀若費費四字一名梟羊者初學記二十九引
有加鹿善登木五字小字本李燾本並作梟陽爾雅釋文

亦引作泉陽張衡元圖泉羊喜獲先笑後愁海內南經泉羊國在北胸之西其為人人面長膚黑身有毛反踵見人笑亦笑左手操管吳都賦舊注云泉羊善食人大口其初得人喜而笑却脣上覆額移時而後食之人因為筒貫於臂上待執人人即抽手從筒中出鑿其脣於額而得食之從瓜象形者徐鍇本云象形從日從內讀若費

𧈧

蟲也從瓜象形讀與𧈧同

私切

蟲也者廣韻引字林𧈧名也讀與𧈧同者廣韻𧈧殷祖也或作僕本書僕下云高辛氏之子覓司徒殷之先史記司馬相如傳契不能計漢書作𧈧張揖曰𧈧為堯司徒敷五教率萬事列女傳簡狄吞燕卵生𧈧北堂書鈔引尚書荆德放𧈧為司徒申鑒政體篇𧈧布五教括地志商州商洛縣古之商國帝嚳之子𧈧所封也通鑑寶武上書此誠陛下稷𧈧伊呂之佐注云𧈧古契字

𧈧

古文𧈧

此非𧈧之古文蓋𧈧之古文後人亂之𧈧象鬣之髮本書古文子作𧈧云從𧈧象髮是也吳都賦其下則有泉羊鬣浪傳說文解字義登參四十七

𧈧，連筠蓀叢書

注引爾雅泉羊一名萬萬賦又云
萬萬笑而被格舊注萬萬泉羊也

文七 重三

𦍋 𦍋也象巨頭足攸地之形古文𦍋下從𦍋凡𦍋之屬

皆從𦍋 許救切

𦍋也者釋畜釋文云畜本又作𦍋字林云𦍋產也說文云
𦍋牲也本書𦍋畜牲也乳下云人及鳥生子曰乳獸曰產
獸當作𦍋集韻畜謂六畜或作𦍋廣韻𦍋產亦作畜玉
篇六𦍋牛馬羊雞犬豕也養之曰𦍋用之曰牲今作畜方
言陳楚之間凡人𦍋乳而雙產謂之馬通作𦍋周禮天官敘
步𦍋宜擾𦍋只注云宜乘擾謹之馬通作𦍋周禮天官敘
官獸醫注云獸牛馬之類易中孚釋文畜本或作獸爾雅
釋畜釋文畜許又反本又作𦍋音同經與竝作畜字禮記
左傳皆云名子者不以畜牲左氏又云古者六畜不相為
用是也匡謬正俗武成序云武王伐殷往伐歸𦍋孔安國
注云往誅紂克定偃武修文歸馬牛於華山桃林之牧地
徐仙民音𦍋為始售反按武成當篇云歸馬於華山之陽

放牛於桃林之野此與序意相承又許氏說文解字云豨
豨也字林豨音火又反獸字從豨從犬斯則六畜之字本
自作豨於後始借畜養字為豨且豨獸類屬不同豨者人
之所養獸者是山澤所育故爾雅論牛馬羊豕則在釋畜
論麋鹿虎豹則在釋獸較然可知若武王歸鹿華山之陽
放虎桃林之野可言歸獸所歸放者既是馬牛當依豨字
本音讀之不得以作獸字一邇便謂古文省簡即豨為獸
且堯典云鳥獸羣尾鳥獸毛毳鳥獸毳毳毛旅葵
云珍禽奇獸不育于國皆作獸字不作豨也何獨武成一
篇以豨為獸斯不然矣寶牖間評武成古本原作豨字想
因唐明皇改為今本尚書時未究豨字之義而增益之也
今其下亦云本或作豨許救切益知古本作豨字無疑矣
象耳頭作瓜地之形者豨與古文

豨

守備者從豨從犬

舒救切

守衛者者釋鳥澤文引有一曰兩足曰禽四足曰獸十字
廣韻引字林同獸守聲相近異苑張茂嘗夢大象以問萬
推推曰當為大郡守夫象者大獸取諸其音獸者守也廣
雅獸守也周禮獸人時田則守豨注云備獸觸攫錢君大

靈石楊氏栞

昭曰獸之言狩也古文獸與狩通小雅搏獸于敖水經注
 引作薄狩何休公羊傳注狩猶獸也馥案東京賦亦引作
 薄狩淮南覽冥訓狡蟲从高誘曰獸狩也張遷碑帝游上
 林間禽狩所有楊君石門頌惡虫幣狩隸釋云以幣狩為
 獸獸釋鳥二足而羽謂之禽四足而毛謂之獸玉篇四
 足有毛走者謂之獸從犬者本書狗叩氣吠以守

文二